



Վ. Ա. ՖԱՆԱՐՋՅԱՆԻ անվան
ՈՒՌՈՒՑՔԱՐԱՆՈՒԹՅԱՆ ԱԶԳԱՅԻՆ ՎԵՆՏՈՆ ՓԲԸ
АОЗТ НАЦИОНАЛЬНЫЙ ЦЕНТР ОНКОЛОГИИ им. В.
А. ФАНАРДЖЯНА
CJSC NATIONAL CENTER OF ONCOLOGY named after V.
A. FANARJIAN

ԵՐԵՎԱՆ, ՔԱՆԱԹԵՆ, ՖԱՆԱՐՋՅԱՆ Փ.76

ЕРЕВАН, КАНАКЕР, ԿՆ. ՓԱՆԱՐԴՋՅԱՆ, 76

76 FANARJIAN str., YEREVAN, KANAKER, ARMENIA

№ 722
29 06 20 26

Հեռ. (+374 10) 20-94-02

«ՀԻՊՈԿՐԱՏ ԴԵՆՏ» ՍՊԸ-ի
ՏՆՕՐԵՆ ԱՐԿԱԴԻ ՄԱՐՏԻՐՈՍՅԱՆԻՆ
(ՀՀ Կոտայքի մարզ Ձորաղբյուր 2224, Ջրվեժ Այգեդարածք 4/115)

Հարգելի՛ պարոն Մարտիրոսյան,

«Վ. Ա. Ֆանարջյանի անվան ուռուցքաբանության ազգային կենտրոն» ՓԲԸ-ի կարիքների համար Բժշկական նշանակության ապրանքների ձեռքբերման նպատակով «Վ. Ա. Ֆանարջյանի անվան ուռուցքաբանության ազգային կենտրոն» ՓԲԸ-ի և «Հիպոկրատ Դենտ» ՍՊԸ-ի միջև 2026թ. փետրվարի 12-ին կնքվել է N ՌՈԱԿ-ԷԱՃԱՊՁԲ-26/33-14 պայմանագիրը (այսուհետ՝ Պայմանագիր), ֆինանսական միջոցներ նախատեսվել են 14.04.2026թ. N1 համաձայնագրով: Պայմանագրով ապրանքի առաջին փուլի մատակարարման վերջնաժամկետ է սահմանված գնորդից ապրանքի/ների մատակարարման պատվերը ստանալու պահից հաշված 20 օրացուցային օր:

Պայմանագրի 1.1 կետի համաձայն՝ Վաճառողը (տվյալ դեպքում՝ «Հիպոկրատ Դենտ» ՍՊԸ-ն) պարտավորվում է նույն պայմանագրով սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով տեխնիկական բնութագրով նախատեսված և սույն ծածկագրով գնման ընթացակարգի գնահատող հանձնաժողովի՝ հայտերի բացման և գնահատման նիստի արձանագրությամբ՝ նույն ընթացակարգի հրավերով սահմանված պահանջներին համապատասխանող գնահատված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

«Վ. Ա. Ֆանարջյանի անվան ուռուցքաբանության ազգային կենտրոն» ՓԲԸ-ն 12.05.2026թ. էլեկտրոնային փոստի միջոցով ապրանքների առաջին փուլի մատակարարման պատվեր է ուղարկել «Հիպոկրատ Դենտ» ՍՊԸ-ին Պայմանագրի 10-րդ չափաբաժնի մասով՝ 120 հատ, 15-րդ չափաբաժնի մասով՝ 240 հատ, 16-րդ չափաբաժնի մասով՝ 240 հատ, 19-րդ չափաբաժնի մասով՝ 240 հատ, 38 -րդ չափաբաժնի մասով՝ 500 հատ:

Սակայն, Ընկերության կողմից Պայմանագրով նախատեսված վերոնշյալ ապրանքների մատակարարումը մինչ օրս չի իրականացվել:

Պայմանագրի 2.1.7 կետի 1-ին ենթակետի «բ» պարբերության համաձայն՝ Գնորդն իրավունք ունի միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը: Վաճառողի կողմից խախտումն էական է համարվում, եթե ապրանքի մատակարարման ժամկետները խախտվել են 3 օրից ավելի:

ՀՀ քաղաքացիական օրենսգրքի (այսուհետ՝ Օրենսգրք) 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

Օրենսգրքի 466-րդ հոդվածի 3-րդ մասի համաձայն՝ պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված:

Հաշվի առնելով այն հանգամանքը, որ ընկերությունը խախտել է պայմանագրով սահմանված պարտավորությունները՝ «Վ. Ա. Ֆանարջանի անվան ուռուցքաբանության ազգային կենտրոն» ՓԲԸ-ն, ղեկավարվելով վերը նշված իրավական հիմքերով, միակողմանի /մասնակի՝ 10, 15, 16, 19, 38 չափաբաժինների պահանջված քանակների մասով/ հրաժարվում է «Հիպոկրատ Դենտ» ՍՊԸ-ի հետ կնքված պայմանագրից, համարելով այն լուծված՝ 2 040 000 (երկու միլիոն քառասուն հազար) ՀՀ դրամ գումարի չափով:

«Գնումների մասին» ՀՀ օրենքի (այսուհետ՝ Օրենք) 6-րդ հոդվածի 1-ին մասի 6-րդ կետի «ա» պարբերության համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, **եթե խախտել է պայմանագրով նախատեսված կամ գնման գործընթացի շրջանակում սրանձնած պարտավորությունը**, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

Ընդ որում, ՈԻԱԿ-ԷԱՃԱՊՁԲ-26/33 ծածկագրով գնման ընթացակարգի հրավերի 8.15 կետի համաձայն՝

- Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում պատվիրատուի ղեկավարի պատճառաբանված որոշման հիման վրա լիազորված մարմինը ընտրված մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: Պատվիրատուի ղեկավարի պատճառաբանված որոշումը լիազորված մարմինը հրապարակում է տեղեկագրում: Ընդ որում, սույն կետում նշված որոշումը պատվիրատուի ղեկավարը կայացնում է գնման

ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդ օրը: Որոշումը կայացվելուն հաջորդող օրը այն գրավոր տրամադրվում է լիազորված մարմնին և մասնակցին:

- Եթե լիազորված մարմնին որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարել է հայտի, պայմանագրի և (կամ) որակավորման ապահովման գումարը, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմին:

Հաշվի առնելով վերոգրյալը՝ տեղեկացնում եմ, որ Պայմանագրի միակողմանի մասնակի լուծման արդյունքում Ընկերության կողմից տուժանքի ձևով ներկայացված պայմանագրի և որակավորման ապահովումները սահմանված կարգով կներկայացվեն Ընկերությանը սպասարկող բանկ՝ տուժանքի մասին համաձայնագրով սահմանված գումարներից Պատվիրատուի 1570060023050100 հաշվեհամարին փոխանցելու համար, մասնավորապես՝ 204000 (երկու հարյուր չորս հազար) ՀՀ դրամ՝ որպես պայմանագրի ապահովում և 306000 (երեք հարյուր վեց հազար) ՀՀ դրամ՝ որպես որակավորման ապահովում:

Միաժամանակ տեղեկացնում եմ, որ «Հիպոկրատ Դենտ» ՍՊԸ-ն պարտավոր է սույն ծանուցումը ստանալուց հետո 5 /հինգ/ բանկային օրվա ընթացքում Պատվիրատուի 1570060023050100 հաշվեհամարին փոխանցել 10200 (տասը հազար երկու հարյուր) ՀՀ դրամ՝ որպես տուգանք (Պայմանագրի 6.3 կետի համաձայն) և 3060 (երեք հազար վաթսուն) ՀՀ դրամ՝ որպես տույժ (Պայմանագրի 6.2 կետի համաձայն), որը հաշվարկված է մինչև 04.06.2026թ. ներառյալ:

Սույն ծանուցմամբ պատվիրատուն ապահովել է ՀՀ կառավարության 2017 թվականի մայիսի 4-ի N 526-Ն որոշմամբ հաստատված կարգի 33-րդ կետի 17-րդ ենթակետով սահմանված պահանջի կատարումը:

ՀԱՐԳԱՆՔՈՎ՝



ԿԱՐԵՆ ԾԱՌՈՒԿՅԱՆ